

## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

XXVII. De Liberalitate. Quid sit, & qualiter exercenda. Quomodò differat à  
Magnificentia.

**urn:nbn:de:hbz:466:1-10805**

elatis abstine, quæ auctoritatem & magisterium sariant. Cùm quidpiam contra decorum occurrit tibi, in te regressus te ipsum interroga an & tu tali vitio labores: tum ex omnibus quæ audis & vides, aliquid semper ad tuum profectum excerce. Benè tecum agitur, si ex alieno peccato tuum emendas.

5. Cùm tibi aliquid occurrit insolitum, inopinatum, & ab usu tuæ patriæ abhorrens, ne id continuo reprehendas: nam levis animi indicium est, aliena mirari, & ridere, & suo servire municipio. Res æstimandae prout sunt, non ut videntur. Vulgus omnia æstimat ex novitate, difficultate, artificio, raritate, pompa, rumore, & extrinseco apparatu: si piens intrinsecum rei pretium, & honestatem respicit; eaque omnia spernit, quæ plebs insana admiratur. Quicquid acciderit, penes te est, ut fructum ex eo capias. Noli te coarctare, & limitare proventum tuum. Licet tibi personam obducere, & actores fabulae imitari. Illi dum flent, non dolent; dum emunt, non possident; jubent sine imperio, objurgantur sine vindicta, objurgant sine ira: agunt, scilicet, alienam vitam. Utinam & tu sic in aliorum societate te geras, sine affectu, & proprietate! Magnum theatrum mundus est, in quo rohistriones, quot homines sunt. Cura autem, ut, quantum fieri potest, spectator sis, non actor fabulae. Qui spectaculum sui in scena exhibent, laborant; qui spectant, rident & delectantur.

## C A P U T X X V I I .

*De Liberalitata. Quid sit, & qualiter exercenda. Quomodo differat à Magnificentia.*

I. **N**ON VOCO liberalem, pecuniae suæ iratum; qui nec dare scit, nec servare; qui non donat, sed projicit. Liberalis est, qui rectè dat & rationabiliter, & pro modo facultatum, quantum decet, impendit, quando & quibus oportet, non suum sed alienum spectans emolumenntum. Porro liberalitas virtus est beneficiorum erogatrix, quæ circa pecuniarum largitionem & affectionem versatur: sed largitio principaliter intenditur; quia præstantius est dare, quam accipere. Sufficit autem voluntas, cum tribuendi facultas deest; imò hæc maximè intenditur, ut non solum profis, sed velis professe. Nemo fluminibus, aut mari gratias agit, quod navigia patiuntur: neque arboribus, quod

fructus ferant: nec vento, quod secundus asperret: nam licet hæc omnia beneficia sint, illis tamē deest beneficiandi voluntas. Quod verò ali cui donandum est, pretium à celeritate sortitur. Sunt nonnulli, qui dum aliquid donant, gratiam omnem corrumptunt, avertendo yultum, obducendo frontem, & in alterum diem differendo. Sic amicum dilatione lassant, torquent expectatione: cùmque proprium sit libenter donantis citò dare, qui dñs noluit, non ex animo largitus est. Properat omnis benignitas; & jucundum est munus, quod obviam venit.

2. Non potest quicquam beatè degere, qui tantum intuetur, qui omnia ad utilitatem suam convertit: alteri vivas oportet, si tibi vivere optas. Quid tanquam tuo pareis? Procurator es. Omnia ista, quæ ferreis claustris custodis, quæ ex alieno sanguine rapta tuo defendis, tua non sunt. Depositā apud te fuerunt, & jam ad alium dominum spectant. Aut hostis illa, aut hostilis animi successor invadet. Queris, quomodo facias tua? Donando. Quid est hoc, quo te divitem putas? Domuncula, pecunia, agellus: si donaveris proximo, beneficium erit, virtus erit, quæ tecum in æternum manebit. Tunc pretiosa est pecunia, cùm usū largiendi definit possideri.

3. Quia tenui impensa fieri magna non possunt, ut mediocres sumptus liberalitas regit; ita splendidos & magnos Magnificentia. Hæc duæ virtutes, cætera similes, hoc discrepant; quod illa etiam in parvis, hæc non nisi in magnis & luctulentis appetit. Cui res angusta domi est, liberalis esse non potest: laudem verò magnificentie ille solus assequitur, cuius opulentia spectabilis est. Hæc propriæ in operis admirabilitate conspicitur. Si quis enim magni pretii gemmam in usum rei divinæ largiatur, eximiè potius liberalis quam magnificus dicendus erit: sed si pretio gemmarum sacrarium, templum, aut aliud splendidum ac mirabile opus extruxerit; magnificus nuncupabitur. Operum verò nomine, in quæ magni sumptus conferri possunt, ea intelliguntur, quæ pertinent ad publicam hilaritatem, & ad quædam hominis officia splendide præstanda. In his decori ratio habenda est, respectu operantis, & facultatum. Non est magnificus, qui plura quam habeat profundit: qui tere alieno se & suos gravat; ut magnificentie laudem consequatur. Verè liberalis & magnificus ille est, qui quod donat & expendit, detrahit sibi.